



Bosna i Hercegovina  
Federacija Bosne i Hercegovine  
**Bosansko - podrinski kanton Goražde**  
MINISTARSTVO ZA SOCIJALNU POLITIKU,  
ZDRAVSTVO, RASELJENA LICA I IZBJEGLICE

Bosnia and Herzegovina  
Federation of Bosnia and Herzegovina  
**Bosnian-podrinje canton Gorazde**  
MINISTRY FOR SOCIAL AFFAIRS, HEALTH,  
DISPLACED PERSONS AND REFUGEES

Босна и Херцеговина  
Федерација Босне и Херцеговине  
**Босанско - подрињски кантон Горажде**  
МИНИСТАРСТВО ЗА СОЦИЈАЛНУ ПОЛИТИКУ,  
ЗДРАВСТВО, РАСЕЉЕНА ЛИЦА И ИЗБЈЕГЛИЦЕ

Broj: 08-14-1894-1/17  
Goražde, 13.10.2017. godine

Na osnovu člana 47. Zakona o izvršenju Budžeta Bosansko-podrinjskog kantona Goražde za 2017. godinu ("Službene novine Bosansko-podrinjskog kantona Goražde", broj: 4/17), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2017. godinu, broj: 08-35-806-3/17 od 03.07.2017. godine, na koji je Vlada Bosansko-podrinjskog kantona Goražde dala saglasnost Odlukom broj: 03-14-948/17 od 15.06.2017. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde r a s p i s u j e:

## **J A V N I P O Z I V**

### **za finansiranje i sufinansiranje programa/projekata i ostalih aktivnosti neprofitnih organizacija u socijalnom i zdravstvenom sektoru za 2017. godinu**

#### **I Predmet javnog poziva**

Predmet javnog poziva je dodjela novčanih sredstava neprofitnim organizacijama iz socijalnog i zdravstvenog sektora namjenjena u svrhu finansiranja/sufinansiranja programa/projekata i ostalih aktivnosti iz Programa utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2017. godinu.

#### **II Pravo učešća na javnom pozivu**

Pravo učešća na ovom javnom pozivu imaju neprofitne organizacije i udruženja aktivna u socijalnom i zdravstvenom sektoru koja su registrovana na području Bosansko-podrinjskog kantona Goražde.

#### **III Kriteriji**

Kriteriji koji će se koristiti za raspodjelu sredstava vezani su za planirane rezultate, efekte i utjecaj projektnih aktivnosti na opće i posebne ciljeve Programa utroška sredstava.

### Opći kriteriji

- a) Da predloženi program ili aktivnosti projekta tretira oblast iz nadležnosti rada Ministarstva
- b) Da se program/projekat realizuje na području Bosansko-podrinjskog kantona Goražde;
- c) Finansijski plan programa/projekta-original;
- d) Dinamički plan realizacije programa/projekta-original;

### Posebni kriteriji

- a) Programi/projekti koji mogu značajnije doprinijeti unapređenju sistema socijalne i zdravstvene zaštite;
- b) Programi/projekti i aktivnosti koji značajno doprinose poboljšanju položaja najranjivijih socijalnih kategorija stanovništva i marginaliziranih grupa;
- c) Programi/projekti i aktivnosti promocije zdravlja, edukacije i zdravstvenog prosvjećivanja mladih u cilju očuvanja i unapređenja vlastitog zdravlja i zdravlja drugih osoba;
- d) Saradnja sa drugim institucijama/ustanovama i drugim organizacijama u cilju obezbjeđenja pomoći za razvoj i unapređenje socijalnog i zdravstvenog sektora;
- e) Kvalitet ponuđenog programa/projekta, te ekonomska i druga opravdanost programa/projekta.

### Dokumentacija koja se dostavlja:

- a) Zahtjev/aplikacija za finansiranje/sufinansiranje programa/projekta koji sadrži (naziv programa/projekta, opis problema, razlog zbog kojeg aplikant traži odobrenje novčanih sredstava, pregled aktivnosti koji se planiraju realizirati, iznos finansijskih sredstava koja su neophodna za realizaciju aktivnosti uključujući ukupan iznos sredstava, traženi iznos sredstava te iznos sredstava koji bi se obezbjedio iz drugih izvora uključujući i vlastita sredstva);
- b) Rješenje o registraciji udruženja/organizacije;
- c) Uvjerenje o poreskoj registraciji – Identifikacioni broj ID;
- d) Karton depo potpisa- ovjerena kopija;
- e) Ugovor sa bankom ili karton depo potpisa sa navedenim transakcijskim računom u banci;

## **IV Odabir korisnika i dodjela sredstava:**

Za provođenje javnog poziva i realizaciju cjelokupnog postupka odabira korisnika i dodjele sredstava Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde će imenovati komisiju.

Na osnovu prijedloga podnosioca zahtjeva/aplikacije, kvaliteta i opravdanosti ponuđenog programa/projekta ili aktivnosti, procjene realnih potreba od strane Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde i raspoloživosti budžeta, utvrđuje se visina sredstava za finansiranje/sufinansiranje. Konačnu odluku o dodjeli tih sredstava donosi Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Visinu sredstava za raspodjelu po ovom javnom pozivu utvrđuje resorno Ministarstvo u skladu sa Programom utroška sredstava sa ekonomskog koda 614300 - Tekući transferi neprofitnim organizacijama za 2017. Godinu.

## **V Rok za podnošenje zahtjeva**

Rok za podnošenje zahtjeva po ovom Javnom pozivu je 15 dana od dana posljednje objave.

Zahtjevi za dodjelu sredstava se podnose u zatvorenoj koverti na Protokol Bosansko-podrinjskog kantona Goražde ili poštom na adresu:

**Ministarstvo za socijalnu politiku, zdravstvo, raseljena lica i izbjeglice  
Bosansko-podrinjskog kantona Goražde,  
ulica Višegradska 2a**

sa naznakom **“Prijava na javni poziv za finansiranje i sufinansiranje programa/projekata i ostalih aktivnosti neprofitnih organizacija u socijalnom i zdravstvenom sektoru za 2017. godinu – ne otvaraj”**

Nepotpune i neblagovremene prijave neće se uzimati u razmatranje.

## **VI Način objave**

Javni poziv objavljuje se na zvaničnoj internet stranici Vlade Bosansko-podrinjskog kantona Goražde, kao i na Oglasnoj ploči Bosansko-podrinjskog kantona Goražde.

Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde zadržava pravo poništenja ovog javnog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtjeva po ovom pozivu.

**MINISTRICA**

Sabira Bešlija